

La Quotidiana 13-10-2014, p. 7

Per rinforzar las scolas medias

■ (cp) La fracziun da la Partida cristiandemocratica (pcd) en il cussegl grond sustegna fitg la revisiun parziala da la lescha per las scolas medias. Ella vesa en quai ina pussaivladad da rinforzar las scolas medias ed uschia sustegnair expressivamain la purschida decentrala da scolaziun. Na dispiatavla è era stada la construcziun supplementara nova per la mensa e la medioteca a la scola chantunala sco era da localitads per proteger ils bains culturals per l'uffizi da cultura. Sustegn datti plinavant era per las fusiuns da las vischnancas Albula/Alvra, Tumleasta e Val S. Pieder.

Sa radunada a Surava

La fracziun da la pcd è sa radunada ils 8 d'october – sut il presdi da deputà *Marcus Caduff* ed en preschientscha dal president da la pcd chantunala, cuss. dals stans *Stefan Engler* – a Surava. Lez è sa legrà fitg d'astgar beneventar la fracziun en ses lieu da domicil. El ha animà ils commembers da la fracziun da s'engaschar fermamain en il cussegl grond per ils interess e postulats da las regiuns.

Gea a la lescha da scola media

Luca Tenchio, deputà e president da la cumissiun da scolaziun, ha declerà la revisiun parziala da la lescha per las scolas medias. Cun quella duai vegnir realisà – tenor veglia dal cussegl grond, sch'era cun retard – il tractament egual da scolars a las scolas medias privatas cun quels a la scola chantunala. Uschia pon ins er ademplir l'incarcica costituziunala per ina purschida decentrala da la scola media.

Entrar n'è betg stà dispiatavel. En la deliberaziun dals detgals è sa mussà ch'ina gronda maioritad da da la cumissiun è persvadida ch'i saja gist dad era resguardar en la pauschala per investiziuns tar las scolas privatas – sco tar ils bajetgs da la scola chantunala – in tschains da 5,5 pertschient da l'agen chapital. Uschia s'augmenta la pauschala d'investiziun per scolar da 3487 sin 4846 francs e quai tenor proposta prest unanima da la cumissiun.

Fatschentas na dispiatavlas

La fracziun sustegna er unanimamain la pussaivladad d'introducir scolas d'informatica a la scolas medias privatas. Uschia vegn era dà a las scolas medias la libertad da promover la purschida en las regiuns. La fracziun ha suandà la proposta da la minoritad da la cumissiun.

Na da discutir han dà era la construcziun supplementara per la mensa e la medioteca a la scola chantunala sco era per localitads da proteger ils bains culturals. Il mesadi è vegni preschentà da deputà *Tino Schneider*. Tenor la fracziun èn quels stabiliments necessaris.

**La sessiun d'october dal cussegl grond
entschaiva ils 20 d.q. a las 14.15.**